

S. S. Hennstrom
a.d. 1989

SPECIMEN PHILOSOPHICUM
DE
DIFFERENTIA NOTIO-
NUM INSTRUMENTALIUM ET
REALIUM.

QUOD

Conf. Ampliss. Fac. Philos. Reg. Ac. Aboënsis,
Publico proponit examini.

A U C T O R.

Mag. GABRIEL ISRAEL HARTMAN,
Philos. Theor. Docens, Aman. Biblioth. nec non Reg. Soc. Econ. Fin.
Secretarius secundus.

Respondentibus

ANDREA LUNDREN, *Sueo-Gotho*, CAROL. GABR. WESTZYNTHIO, *Oftrob.*
JOH. ADAM EDMAN, *St. R. Tav.* & ADOLHO SIM. APPELGREN, *St. R. Oft.*

Diebus 28 Nov. nec non 5, 15 & 18 Dec. MDCCCIIV.

ABOÆ, Typis FRENCKELLIANIS.

IN SACRAM REGIAM MAJ:TEM

SUMMÆ FIDEI VIRO,

E REGNI SVECIE PROCKERIBUS UNI,

SUPREMO AD AULAM REGINÆ VIDUÆ MARESCHALLO,

REGIÆ ANTEHAC EDUCATIONIS GUBERNATORI VICARIO,

ACADEMIÆ ABOËNSIS CANCELLARIO,

REGIORUM ORDINUM EQUITI & COMMENDATORI,

ILLUSTRISSIMO ATQUE EXCELLENTISSIMO

COMITI AC DOMINO

DOMINO

CAROL. AD. WACHTMEISTER,

GRANDI HUJUS MUSARUM SEDIS COLUMINI,

MÆCENATI SUO MAXIMO,

SACRUM

VOLUIT, DEBUIT

AUCTOR.

SPECIMEN PHILOSOPHICUM

2
De

*Differentia notionum instrumentalium &
realium.*

CUJUS PARTICULARAM I.

CONS. AMPL. FAC. PHIL. REG. AC. AB.

PUBLICO PROPONIT EXAMINI

M. GABR. ISRAEL HARTMAN,
Philosophiae Theoreticæ Docens, Amanuens. Biblioth. nec non
Reg. Societ. Oecon. Finl. Membrum & Secretarius
Secundus.

RESPONDENTE

ANDREA LUNDGREN,
SVEO - GOTHO.

In Auditorio Anatomico Die XXVIII Nov. MDCCCI

horis p. m solitis.

ABOÆ, Typis FRENCKELLIANIS.



Hanc veniam petimusque damusque vicisim.

HORATIUS.

Quam certum est nos cogitare de rebus, quasdamque res scire atque earum affectiones & relationes observare; tam certo etiam constat, nos nostra cogitata cum aliis hominibus & loquendo & scribendo communicare. Jam inde a primis ætatis, vix egressi e maxima feritate, ubi etiam fortasse gestibus sensa sua protulerunt, sermone usi sunt mortales; & postquam ad altiorem culturae gradum pervenit genus humanum, fuerunt, qui non solum litteris suas cogitationes mandare didicerint, sed etiam qui indolem linguarum, quibus usi sint & utantur homines, diligenter sint perscrutati.

Sed quamvis Philosophi, ex altera parte de ideis & cognitione nostra assidue cogitaverint, & ex altera simul cum linguarum peritis de harum indole & legibus diligenter scriperint; nemo tamen, ut putaverim, ad totam, qualis in se est, rationem communicandorum cogitatorum fatis accurate animum advertit. E contrario mihi videntur philosophi instrumenta, nobis a summo optimoque Numine communicationis sere solum causa concessa, cum ipsa cogitatione & cognitione rerum sive ideis res representantibus, saepissime confundisse. Quod si non fecissent, in tot errores, subtilitatesque metaphysicas verborum ambiguitate partas, unde exitum inveneri non potuerint, certe haud incidissent. a) Hinc, si hoc ita

a) Idem LOCKE sensisse videtur. Verba ejus sunt (*Essay on Human Understanding*. B. III. Ch. VIII. §. 13: *The ordinary Words off Lan-*

ita sit, patet, pernesariam esse disquisitionem accuratam veræ hujus modi s. rationis indolis, discriminisque notiorum realium & instrumentalium. Quare me laborem & ingeniolum meum in hanc materiam enucleandam non frustra impensurum fore putaverim; cum, speciminis academici loco mea circa illam rem cogitata peritorum examini subjicerem & pro virili explicare & defendere conarer.

Mibi quidem objici potest, quod ex principiis, in hoc vel illo systemate philosophico obviis, mea de hac materia sensa non deduxerim; sed in tanta penuria certi, in tot ad idealismum & scepticismum vergentibus moliminiis, quæ systemata philosophica pleraque feedant, quibusque fidem minime esse præbendam existimaverim, non potui, quin propius ad sensum communem, usumque rationis simpliciorem ea, quæ statuenda esse putaverim, accommodarem. Quamobrem ad res ipsas, quales eas inesse in mente humana intellexerim, non quales ex principio quodam incerto, ut sunt revera plurima systematum philosophantium, non minus recentiorum quam antiquiorum, per vias logicas, scilicet ratiocinando, proveniant, refugiendum esse crediderim: putans me, in perfrutatione mea, principiis propriis superstructa & factis obviis consentanea, si scil. id sint, non minus philosophaturum esse, quam si, res ipsas despiciens, ex præceptis cuiusdam philosophi, propositam questionem pertractatus essem.

§. I.

Quomodo Ens cogitans, summum, perfectissimum, infinitum, ideas & cogitationes in mente spirituum finitorum excitatæ

language, and our common Use of them, would have given us light into the nature of our Ideas, if they had been but consider'd with Attention,

tare & immutare valeat, hoc loco non quæritur; sed tantum de methodo, qua in suis cogitatis communicandis utantur naturæ finitæ, præsertim vero homines inter se, disputandum est. Consilium enim, quo hoc argumentum explanandum nobis sumsimus, aliud non erat, quam ut aliquid conduceremus ad scientiam cognitionis humanæ, præparandam: quæ scientia est conditio, sub qua verum invenire & de eo certi esse possumus.

Pro certo autem habemus, has naturas cogitantes non posse ea, quæ sciant, quæque cogitaverint, immediate aliis tradere, ut illa ex mente hujus in mentem alterius quasi fluant, & ita tanquam una cognitio ex duabus officiatur. Spiritus finiti ita sunt limitibus circumscripti, ut alter eorum extra alterum sit, & nulla communicatio, nisi mediata, inter illos existere possit. In tertio scilicet quodam, ut in medio, cogitationes suas exponat alter, alter vero illas ex tertio illo five medio quasi exhaustiat, sibique proprias reddat, necesse esse facile intelligimus.

Signa igitur externa cogitationum necessaria sunt, si alias existat communicatio illarum inter homines b). Alter illa signa ita proferre debet, ut illis, quæ cogitaverit exprimenda, accurate respondeant; alterum vero oportet hæc signa prolata excipere, & sic intelligere, ut ex indicibus eorum scire possit, quid ille, illis exhibendis, significare & prodere voluerit: Quod autem qua ratione, quibus instrumentis, quotque operationibus mentis, fieri debet, exponere adgredior.

b) LAMBERT in *Novi Organii Semiotica*, & §. 13 dicit, *Dass wir ohne solche Zeichen anderen unsere Begriffe nicht mittheilen können, ist an sich so klar, dass es keines Beweises bedarf: & LOCKE in Libro suo de Intellectu humano (Lib. III. Cap. II. §. I.) Man, inquit, tho he has great variety of Thoughts, and such, from which others, as well as himself, might receive Profit and Delight; yet they are all within his own Breast, invisible, and hidden from others*

others, nor can of themselves be made appear. The Comfort and Advantage of Society not being to be had without Communication of Thoughts, it was necessary that Man should find out some external sensible Signs, whereby those invisible Ideas, which his Thoughts are made up of, might be made known to others. Et sic alii; illis fere tamen exceptis, qui existentiam rerum externarum per se negarunt, & illam esse extra omnis nostrae cognitionis orbem positam contenderunt, quoniam illis de methodo, de qua agimus, nos fuit disserendum. Hæc attuli vero, non ut claram rem auctoritate Philosphantium demonstrarem, sed ut cerneretur, rem, de qua convenient omnes, demonstratione non egere.

§ 2:

Primo contiuu quidem duo tantum requiri videntur, ut efficiatur ejusmodi communicatio: prolatio scilicet signorum, eorumque perceptio, ut intelligantur. Si vero diligentius hanc materiam tractamus, perspicimus sex omnino operationes adesse, sive sex diversis rebus uti necesse esse, sive sex stationibus esse insitendum, antequam cogitata a mente ad mentem perveniant, seu antequam nostram mentem recte intelligere valeant alii homines, aut antequam nos aliorum sensa percepita & cognita habeamus. Quæ res & operationes sive rationes sunt sequentes,

I. Idea & idearum series, quæ in mente nostra, res, de quibus cogitamus, nobis repræsentat, & in qua revera consistit ipsa nostra cognitio & cogitatio, quam cum alio quodam communicare, eique notam facere, volumus.

Rem scire nihil aliud est, ac Ideam sive imaginem rei ejusdem mente tenere, qualisque illa sit considerare, & partes eius, quatenus apprehendi possunt, animadvertere. Vides ex gr. machinam quandam artificiose constructam, ejusque strukturam, indolem, usum, pervidendo & cogitando cognoscere studes: quatenus vero illam tuis & cognitam habes? Eatenus sciliq-

scilicet tantum, quatenus habes ideam illius machinæ ita effectam, ut hæc per illam, nulla nempe parte comprehensibili omissa, repræsentetur, utque ita tibi sit illa idea loco machinæ, cum de hac ulterius cogitare velis. Scis Deum esse, quando Ideam ejus vere existentis habes; Scis qualis est, si Ideam ejus naturæ consentaneam tenes. Cognoscis hominem certum, quando idea ejusdem hominis ita uteris, ut, ablen- te homine, eum tamen positis tibi in animo repræsentare & i- deam considerando, quamvis partem ejus, quasi oculo quodam interno, cernere. Observandum quoque est, nos eadem ratio- ne cognoscere rerum relationes, qua res ipsas, nempe tenendo ideam relationis; quod vero fit, cum ideas rerum in mente juxta habemus, & illas ita consideramus, ut, quomodo se in- vicem habeant, cernamus. c).

c) Lector facili negotio observat, vocabula SCIRE & COGNOSCERE hic idem significare. Illis sic uti volui, quia, me judice, idem est rem scire & rem cognoscere; nam nihil omnino ulterius scire possumus, quam id cognitum habemus, & contra. Sunt quidem, qui dicant, nos scire rem, quando non modo rem per se cognoscimus, sed etiam rationes sive causas rei cognitas habemus; sed quis est qui non sciat, nos æque bene dicere: &, scire rem, &, scire causas ejus? scil. interest inter rem scire tantum, & rem penitus sci- re, ita ut etiam causas ejus sciamus. Heic vero quæstio non est de scientia ut cognitione demonstrabili; sed de cognitione nostra in universum. Huc pertinet quod ARISTOTELES (ANALYTICOR. POSTER. L. I. C. 2.) dicit, ubi definire voluit quid per TO Scire (εἰδεῖν) intelligendum; scil. SCIRE rem, esse idem, ac perspicere quæ sit causa rei, quod illa revera ejus rei causa sit, & quod hoc aliter se habere non possit: & secundum THOMAM CAMPANELLAM est SCIRE, rem per causas nosse (vid. BRUCKERI HIST. CR. PHILOS. TOMI IV. P. II. p. 131.) Quæ omnia de cognitione demonstrabili, sive Sci- entia, ut vulgo sumitur, manifeste agunt.

Philosophi diverso modo exponere voluerunt quid sit COGNO- SCERE, quid sit COGNITIO. Opiniones eorum afferam, ut videat Lector quid certi & demonstratione ulterius non egentis in illis insit, quæ dixerim. WOLFF (PSYCHOL. EMPIR. PART. I, SECR. II, C. I. §. §.

§1, & 52) dicit: "Rem cognoscere idem esse ac ejus notionem vel Ideam sibi acquirere — Cognitionem esse actionem animæ, qua notionem vel ideam rei sibi acquirit: in quo cum illo congruit definitio cognitionis, quam exhibet BAUMEISTER quasi commentandi causa (ELEM. PHIL. REC. METAPH. §. 183): *Aetio illa, qua anima res sibi repræsentat & percipit, dicitur COGNITIO.* Hic observare licet, Actionem aut passionem non ad cognitionem ipsam pertinere, sed ad systema Wolfianum. Nam cum Ideam sive notionem rei tenemus, cuncta quæstione de ortu ejus Ideæ sive notionis omisso, rem eatenus cognoscimus, quod cuique facile est intellectu.

LOCKE, cui plures consentiunt, (De intellectu hum. L. IV. C. I §§. I. 2.) dicit - - - it is evident, that our KNOWLEDG is only conversant about our Ideas. KNOWLEDG then seems to me to be nothing but the Perception of the Connection and Agreement, or Disagreement and Repugnancy of any of our Ideas. In this alone it consil. etc. Scil. putat cognitionem consistere non in ideis sive notionibus ipsis a mente perceptis; sed solum in earum convenientia & pugna, quatenus a mente percepta sit. Quare etiam (L. IV. C. III §. I & 6) dicit: *We can have KNOWLEDGE no farther than we have Ideas. - - - It is evident, therefore, that the Extent of our KNOWLEDG comes not only short of the Reality of Things, but even of the extent of our own Ideas. - - - We have the Ideas of a Square, a Circle, and Equality; and yet, perhaps, shall never be able to find a Circle equal to a Square, and certainly know that it is so, &c.* Sed longe aliud est perspicere relationes inter res intercedentes, & cognoscere res istas. Verum quidem est, nos eatenus etiam cognoscere relationes rerum, quatenus ideas illarum accuratas habemus; sed quando in notione Circuli quantitatatem ejus non accurate cognitam, quamquam determinatam tenemus, mirandum non est, quod non possumus accuratam instituire comparationem inter Circulum & quadratum; nam non possumus cognoscere ea esse æqualia aut inæqualia respectu magnitudinis eorum, quorum magnitudinem non cognitam habemus. Ex altera parte vero luculenter patet, nos rerum relationes non posse cognoscere ulterius, quam ipsas res novimus, h. e. quam Ideas illarum mente tenemus — Unde conflat, nos eatenus tantum res cognoscere, quatenus earum ideas habemus, & his ipsis absolvitur nostra cognitio.

KANT vero (ille quidem celeberrimus) ex tenore systematis sui statuit

statuit cognitionem in eo consistere, quod datae Ideæ se determinante referunt ad Objectum quoddam. Verba ejus sunt (CRIT. D. R. VERN. II AUFL. pag. 137. Conf. MELLINS WÖRTERB. D. KRIT. PHILOSOPHIE. ART. ERKENNTNISS): ERKENNTNISSE bestehen in der bestimmten Beziehung gegebener Vorstellungen auf ein Objekt. Objekt aber ist das, in dessen Begriff das Mannigfaltige einer gegebenen Anschauung vereinigt ist. Unde videtur cognitionem apud illum non esse nisi Ideam rei; cetera systema ejus respiciunt, s. modum, quo, ex mente ejus, Ideas rerum habere possumus. Observandum autem est, cognoscere, ex præceptis ejus, certum semper Objectum respicere, quatenus sensibus, sive sensualitate mentis percipiatur, non vero quatenus cogitari possit aut cogitetur, ut possibile tantum, (Vide de hac re MELLINS WÖRTERB. ART. ERKENNTNIS & locum ibi citatum). Sed est notandum, nos cognoscere rem non amplius, quam Ideam ejus habemus, itaque aut ut possibile tantum, aut ut vere existentem. Aequo nempe bene dicimur cognoscere rem possibilem qua' talem, ac cognoscere rem, ut sensibus perceptam; nam modus cognoscendi, cognitionis essentiam non efficit. Quod etiam ferit ea, quæ de cognitionis indeole dicit ABICHT (SYSTEM DER ELEMENTARPHILOSOPHIE pag. 19. 109, & 128), cuius verba sunt: Mit den Erkenntnissen erkennen wir Gegenstände; das ist Thatsache - - - Das Erkennen ist nämlich ein Bewußtseyn in so fern es durch eine ERKENNTNISSE bestimmt ist, ein Bewußtseyn von einem solchen und keinem andern Gegenstände zu seyn; und eine ERKENNTNISSE ist eine Vorstellung in so fern sie Bestimmungsgrund des Bewußtseyns ist, &c. — Sed non est amplius de hujus verbi usu disputandum; cum omnino extra dubium esse putem, nos non nisi per ideas res cognoscere.

De re autem cogitamus, quando ideam illius rei in conspectum mentis provocamus, & ita tractamus, ut partes ejus quasi percurrente, singulatim consideremus, quæ sint, quales sint, quomodo totam ideam sive repræsentatam efficiant — præterea, quando illam ideam cum aliis ideis comparamus, eas juxta contemplamur, & ad relationes, tali collatione ortas, attendimus. d)

Cuique manifestum est, nos cogitando non immediate res ipsas tractare, sed solum ideas rerum. Cogitando quidem possumus

Tumus rem nobis familiariorē reddere, diligentius considerantes partes ejus, quales & quatenus in idea, quam tenemus, sunt obviae; & conferendo istam ideam cum ideis ceteris, relationes rerum quae & quales esse possint, detegentes: nam ejusmodi comparatione instituta, qua ideas rerum juxta & invicem animo intuemur, efficere quidem valemus, ut recte dicere possumus: ubi res, de qua agitur, in hoc vel illo statu est, quando a tali re ita aut aliter afficitur, vel quando hoc vel illo modo tractatur, vel ubi denique hac vel illa ratione cum aliis rebus convenit, & s. p. ita se habeat, ejusmodi relationes orientur, tales effectus proveniant, necesse est, quatenus scilicet rem ipsam, resque cum quibus illam comparamus, accurate per ideas nostras repräsentatas habeamus — idque non aliter, ac chemicus, qui in officina materiam materiæ miscet, & effectus inde provenientes certit, dicere potest & pro certo habere, ejusmodi effectus etiam extra officinam in gremio naturæ, ubi & quando eadem materiæ eadem ratione miscentur, necessario existere. Minime vero rem ipsam, quæcunque sit, cuiusmodique natura & indeole gaudeat, quatenus per se sit, cogitando invenire possumus, nisi jam in ideis nostris data & determinata est; nam illas, quas tenemus ideas rerum, tractare *e*), considerare, conferre quidem valet mens, non vero immediate augere, nec incognitam rem ad cognitionem perducere, nisi rebus ipsis percipiendis: nempe, cogitando, notitiam non rerum ipsarum, sed relationum inter res sibi jam cognitas intercedentium, & eorum quae inde consequuntur, acquirere possunt homines.

Qui vero plures partes, pluraque, ut dicunt, prædicata rei intra mentem tribuit & adnumerat, quam illius idea jam continet, vel quam ex ipsa re, percipiendo haurit, nisi relativa essent, certe errat, imaginationisque fructus sive scutum pro re ipsa falso habet, quod igitur veritatis studiose exitanendum esse, sole meridiano est clarus *f*).

d) De

d) De indole cogitationis multa docuerunt Philosophi, quorum tam cogitata ad tres apte referri possunt classes:

i:o Qui putarunt cogitationem idem esse ac conscientiam, qua nobis omnium eorum, quae in nostra mente sunt vel sunt, consciū sumus, ut cogitare rem, sive de re cogitare, idem omnino sit ac conscientia idex illius rei esse, & cum nullam rem cognoscamus, nisi quatenus ejus ideam in mente nobis repräsentatam habeamus, h. e. cuius ideæ nobis consciī sumus, cogitatio & cognitio revera idem significare videtur: sic WOLF (PSYCHOL. EMPIR. §. 23 & seqq.) notionem cogitationis exponit. COGITARE, inquit, dicimus, quando nobis consciī sumus eorum, quae in nobis contingunt, & quae nobis tanquam extra nos repräsentantur (extra nos, scil. ut cogitantes, ut subjecta cogitationis). Cogitatio igitur actus animæ, quo sibi sui rerumque aliarum extra se conscia est. — Nos igitur cogitare affirmamus, quando nobis rerum quarundam aut operationum mentis nostræ sumus consciī. Enimvero quando nobis nihil consciī sumus, veluti in somnio, tum nos non cogitare pronunciamus. (De conscientia idearum in somnio non est cum illo disputandum, quia Systema Leibnitianum redolēt, & quia cuique nōsum esse debeat, nos omnino nihil nobis representatum habere, nisi simul ejus consciī sumus. — Quod idem etiam intelligendum est, in §. 26: ubi dicere pergit;) OMNIS COGITATIO & PERCEPTIONEM (qua est (vide ibid. §. 24) actus mentis, quo objectum quocumque sibi repräsentat — ita enim, inquit, percipimus colores, odores, sonos: ita mens percipit se ipsam & mutationes in se contingentes) & APPERCEPTIONEM (qua mens perceptionis sive sibi conscia est) involvit. Scil. operationem, cuius nulla pars abesse posst, in duos quasi diversos actus dividit, ut systema, quoad ideas non adhuc ad conscientiam evetas, defensum & integrum haberet. — CARTESIUS, cuius principium philosophandi erat: cogito, ergo sum, etiam distinctius eandem cogitationis notionem exponit (PRINCIP. PHILOS. PART. I. ART. 9.). Ejus verba sunt: Cogitationis nomine intelligo illa omnia, quæ nobis consciū in nobis sunt, quatenus eorum in nobis conscientia est. — Atque ita non modo intelligere, velle, imaginari, sed etiam sentire idem hic est, quod cogitare (Conf. BRUCKERI Hist. NAT. TOMI IV. P. II. p. 295.). Cartesius vero, postquam animam sive spiritum esse Substantiam cogitantem docuerat, statuebat spiritum semper cogitare, itaque etiam animam humanam, quamquam suarum cogitationum non semper esset conscia, veluti in somno; & ita nōmen

men cogitationis vel latius sumit, aut sibi contradicit. — LOEKE hanc notionem cognitionis, quasi jam flabilitam, nullaque disputatione gentem, habet. Ideas animo tenere & trahere erat ei cogitare, quod videre potest lector apud illum, LIB. CIT. B. II. C. 19. — Cum his convenit, non solum quod CHEV. DE JAUCOURT (ENCYCLOPEDIE OU DICTIONN. &c. à NEUFCHATEL. ART. PENSÉE) dicit, cuius verba sunt: *On peut régarder le mot PENSÉE comme celui qui exprime toutes les opérations de l'âme. Ainsi j'appelle PENSÉE tout ce que l'âme éprouve, soit par des impressions étrangères, soit par l'usage qu'elle fait de sa réflexion — sed etiam aliquo modo, quod ex recentioribus BOUTERWEK (ANFANGSCHR. DER SPECUL. PHILOS. p. 45) urget: Der wirkliche Act der Selbstherhebung des Subjekts über die Objekte ist das ursprüngliche Denken, und dessen Resultat der Gedanke. — Es ist eins, ob wir sagen: Das Subjekt spricht sich selbst ein eignes Daseyn zu: oder Kürzer: ICH DENKE. Es apperceptionem Wolffit, & in hac omnem liberam idearum nostrorum tractationem! Unde cernere potes quatenus cum illa, quam meam esse dixi sententiam, convenienter re; quamquam verbis discrepant.*

210 Alii vero cognitionem, illaur esse mentis actionem, qua relationes resum & idearum percipit & observat, omnino idem, quod Loeke cognitionis nomine notavit, (vide supra p. 6.) statuerunt voluerunt. Huc adnummerandi sunt e. gr. TETENS, qui (PHILOSOPHISCHE VERSUCHE ÜB. DIE MENSCHL. NAT. VIERT. VERS. 1.) dicit: *Das Gewahrnehmen ist Eine von den ersten Wirkungen des Vermögens der Seele, womit sie Verhältnisse und Beziehungen in den Dingen erkennet. Dieses ganze Vermögen will ich zusammen von nun an die Denkkraft nennen, so wie das Erkennen der Verhältnisse und Beziehungen in den Dingen überhaupt, ein DENKEN heissen kann. — Die Denkkraft, das Vermögen Verhältnisse und Beziehungen zu erkennen, ist dasselbige Vermögen &c. — & DALBERG (VON DEM BEWUßTSEIN: p. 19 & p. 21.) ubi verba haec extant: *Das DENKEN äussert sich durch Vergleichen der innern und äussern Gegenstände. — Das DENKEN der Seele besteht in Vergleichen der Ähnlichkeit und Erkennen der Verschiedenheit.* Ab his non valde discrepat quod FICHTE (SONNENKÄRER BERICHT. &c. p. 6.) scribit: — man kann nur NACHDENKEN über das beobachtete, nur dieses, so wie es beobachtet ist unter sich VERGLEICHEN, kincsweges aber durch bloßes Denken sich neue Gegenstände erschaffen.*

3:0 Sunt denique, qui cogitationem ad notionum tantum universali tractionem, s. ad cognitionem per notiones universales, referant. Hujus cohortis antesignanus PLATO recte dicitur. Sensa ejus TENNEMANN (Geschichte der Philos. B. II. p. 295. 296.) ita Theodisco exponit: *Das Denken ist nehmlich eine Art von innern Sprechen mit sich selbst — und das aus Verbindung der Begriffe besteht, so wie eine Rede eine Verbindung von Nenn und Zeitwörtern ist. — Das Denken ist nun überhaupt das Verfahren mit Begriffen &c. (Platonis verba sunt Theactet. p. 151. & Sophista p. 205. 296, quæ ibi videat, qui eorum ipse videndi cupidus sit). Addi adhuc posunt, quæ ex Platone (Phaedo p. 181.) affert TIEDEMAN (Geist der spec. Philos. B. II. pag. 184 seqq.) Das Denken stellte sich Plato als ähnlich dem Empfinden vor, als ein Berühren des intelligiblen, ein Annähern zum intelligiblen, eine Richtung auf das intelligible, wie er denn das Empfinden ein Berühren der Körper nennt. — Intelligibilia vero Platonis erant Ideæ (Notiones Universales) quæ ex ejus opinione erant divinæ & (si ita dicere licet) substantiales. Post Platonem, preter alios, LEIBNITIUS eandem fere cognitionis notionem fovit, quod ex Princip. Phil. more geom. demonst. Definit. CXV, luculententer patet, ubi verba ejus sunt: *Cogitatio (Idea) est ipsa representatio distincta in subiecto individuo eorum, quæ in sensationibus vel phantasmatis pluribus singularibus similia sunt, per voces determinatae significationis facta. — Cognitionem ab apperceptione in genere distinguimus, & pro apperceptione universalium accipimus: — animalibus rationalibus in specie Cognitionem assignantes. Cum his congruit fere tota Schola Kantiana. KANT dicit (Cr. d. r. Vernunft. II Aufl. p. 94) Denken ist das Erkenntniß durch Begriffe. Begriffe aber beziehen sich, als Prädikate möglicher Urtheile, auf irgend eine Vorstellung von einem noch unbestimmten Gegenstände. (Conf. MELLINS Wörterb. der Krit. Philos. art. Denken.) — Eandem rem exprimit BECK (Grundriss der Krit. Philos. § 1.) his verbis: — Denken heißt, sich Gegenstände durch Beylegung gewisser Bestimmungen (d. i. Merkmale oder Prädikate) vorstellen. Eine solche Vorstellung heißt Begriff, &c., KIESEWETTER (Grundriss einer allg. Logik. — §. 12.), Denken, inquit, heißt überhaupt diejenige handlung des Gemüths, wodurch Einheit des Bewußtseins in die Verknüpfung des Manigfaltigen gebracht wird; oder auch, Denken ist das Vermögen (non facultas sed actus?) mit-**

teilbare Vorstellungen (d. i. Begriffe) *hervorzubringen*: & sic porro. — Cognitionem scil. referunt ad objecta certa, Cognitionem vero ad notiones, quibus objecta in genere repräsentantur — sed in Definitione supra e Bouterwek allata, videntur ambæ conjungi; me vero judice, hoc discrimen minoris est momenti; nam negari non potest, nisi usu loquendi rejecto, nos etiam tunc cogitare, quando idéas objectorum certorum (ut singulares) conferimus, & illarum relationes animo cernimus, atque etiam quando idem rei certæ in mente sic volvimus, ut quæ, qualisque sit, videamus, quod fieri potest ita sine notionibus universalibus, ac si illis antea gaudemus. — Itaque cogitare idem est, ac Ideas suas quodam modo animo tractare, veluti cognoscere idem est ac Ideas rerum habere. Cognitio scilicet exhibet materiam, quam cogitando tractamus. — Quod eo facilius mihi concedatur, quod Philosophi, quamquam inter se de limitibus discrepantes, tamen omnes in eo convenient, quod cogitare est animo tractare notiones; quare mea sententia est quasi complexus omnium illorum; quod eo melius est, quod nulli systemati eorum addictus sum.

e) Intelligas hoc vocabulo, omnem internam mentis circa idéas suas actionem, qua scil. illas dividit, componit, duplicat, mutat, &c. — idem quod Svethe dicimus: behandla.

f) Confer quod de hac re loquitur Fichte, loco supra citato. METZLIN. (Wörterb. I. c.) dicit: *Das Denken ist also das Mittel die Anschauungen* (Ideas rerum, quatenus sensuilitate Mentis, sive ut locuti sunt; sensibus externis & internis, percipiuntur) zu verstehen, und alles Denken zweckt als Mittel auf Anschauung ab; denn das Denken wäre ein blosses spielen mit Vorstellungen, wenn es nicht zum Zweck hätte, etwas dadurch zu erkennen, was nicht bloß gedacht, sondern entweder in der Anschauung gegeben ist, oder doch mit derselben nothwendig zusammenhängt. LOCKE (On Hum. Underst. B. IV. Ch. III. §. 2.) postquam demonstravit nos omnem materiam cognitionis nostræ, omnes idéas & notiones, sensuum ope accepisse, affímat: *That we can have no Knowledg farther than we can have perception of that Agreement or Disagreement* (scil. inter ideas nostras). *Which Perception being.* 1. *Either by Intuition, or the immediate comparing any two Ideas;* or, 2. *By Reason, examining the Agreement or Disagreement of two Ideas, by the Intervention of some others;* Or, 3. *By Sensation, perceiving the Existence of particular*

ticular Things. Notandum vero est *Knowldg* sive cognitionem hoc loco continere etiam ea, quæ cogitando cognoscere valemus. Et sic de hac re senserunt sese omnes, qui non veritatem logican (convenientiam notionum inter se) cum veritate reali sive materiali, sive objectiva (convenientia cogitatorum cum objectis sive rebus cogitatis, ut scil. hæ tales in se revera sint, quales illas esse cogitemus) confuderunt, & quod potest esse, pro eo quod revera est, temere sumserunt, ut ARISTOTLES (Confer quod de illo scripsit Tennemann I. c. PHILOSOPHIE DEI ARISTOTELIS pag. 85.) & recentioris ætatis Philosophi, qui verum & possibile non fatis dignoscere, inveniuntur.

Hæc omnia vero de indeole cognitionis & cogitationis afferenda esse censui; ut, antequam ulterius explicemus modum, quo cogitationes, & cognitionem nostram aliis manifestare possumus, videas, quid per cognitionem & cogitationem sit intelligendum.

II. *Notiones partibus Idearum sive cogitationum diverso modo, pro diversitate conditionis & artis, respondentes, terminis sive signis externis denotatas, animo tenere, investigare, in conspectum mentis proferre, ordine debito construere.*

Hæc est secunda mentis operatio, quando in communicandis cognitis & cogitatibus versatur. Quæ autem ut magis perspicua evadat, sequentia mihi afferre liceat.

Cum primum sermone uti incepissent homines adhuc rudes & inculti, sonum tantum articulatum, quem prodere valebant, observarunt, illoque usi sunt, nondum animadverentes, eundem sonum pluribus in verbis obvenire, numerumque sonorum simplicium, quamquam in compositione syllabarum, verborum, orationisque, permagnum esse videretur, tamen revera non esse nisi admodum parvum. Sed ad altiorem cultus gradum jam proiecti, facili negotio perspexerunt, nos non proferre plures quam circiter viginti quinque litteras diversas, quarum diversa compositione omnis sermo, omniaque verba linguarum efficerentur, & adhuc tamen infinite plures

voces illarum ope proferri posse: ut hodie aliquot tantum supra viginti literis utimur scribentes, ad designanda omnium linguarum diversa vocabula g). Quod si non animadvertiscent homines, necessario immensus evalisset numerus figurarum, ut hodie sere Sinenium, qui, quodcunque verbum propria figura denotantes, usque ad octoginta millibus figuratum uti traduntur. — Hoc exemplum nobis ostendere potest, numerum quoque diversarum partium in nostras ideasingredientium, si ad illas separatim attendimus, posse esse non infinitum, quamquam ideæ & res, quarum ideis gaudemus, permultæ sint, numerumque illarum in infinitum extendi posit. Sic utique etiam res se habet. Quis enim est, qui non sciat, eundem colorem, figuram, motum, structuram, indolem &c. saepissime occurere nobis? Quantus v. gr. numerus rerum viridum? & sic porro. Unde intelligi potest, ideas partium diversarum, quatenus discerni & comprehendendi *) queant, facili negotio posse memoria teneri & in ordinem redigi, quamvis ideas rerum perceptarum & cogitatarum, omnes, ob immensam multitudinem, nullo modo retinere valeamus.

g) Nam si literæ sunt viginti quinque, si in hoc numero vocales, quæ sonum sustinere valent, sunt novem, & si scire velis quot vocabula existere possint, quoque vocabulo tantummodo duabus litteris constante, facile invenies jam inde, præter novies novem vocales duplicates, ducenta octoginta octo diversa vocabula oriri posse, & vocabulorum ex tribus litteris consistentium preter novies novem vocales triplicatas, tredecim millia, & octingenta octoginta octo, existare. Unde quisque scire potest, quam immenso numero vocabulorum uti possunt mortales, cum non solum plures litteras in quaque syllaba, sed etiam plures syllabas in uno verbo ponere valent, licet numerus sonorum simplicium sit admodum angustus limitibus circumscriptus.

*) Scil. ut eadem & ut diversæ.

Quod vero cum ita sit, facile intelligimus, quomodo oriuntur Notiones, quæ, ob causas mox exhibendas, universales

fales nominantur. Attenditur nempe animus ad diversas partes rerum obvenientium, quibus separatim considerandis & mente tenendis, notiones simplices oriuntur, quibus postea tantum litteris cogitationum utimur. Itaque ex una re tot accipimus notiones simplices, quot sunt partes, i. e. affectiones & relationes &c. istius rei, quatenus sigillatim animadvertiscentur. Præter has simplices, compositas ex paucioribus aut pluribus simplicibus, notiones habemus, quas mens aut vi propria ex simplicibus illis scil. una animo contemplandis, rursus composuit, aut ex ideis rerum obvenientium, eodem modo ac simplices, jam compositas i. e. pluribus ex partibus discernibilibus jam constantes, hausit. Nempe: ex infinitis illis, quæ a simplicibus componi, & ex ideis rerum immediate formari quidunt, illas tantum notiones memoria complecti curamus, quæ frequentius occurrentibus rebus & circumstantiis respondent, & quas, eo ipso, utilis esse nobis judicamus, ut notiones trianguli, hominis, arboris, bruti, lapidis, edendi, loquendi &c. quæ saepè quidem quasi nota quadam rem designat, *) saepissime tamen valde compositæ sunt. b).

*) E. gr. Notio animalis cuiusdam, ex Zoologia comparata, quæ Notio dentes animalis solum spectet.

b) Mens, in notionibus suis, de quibus loquimur, acquirendis & in ordinem redigendis, intra se idem facit quod ille extra se (ut quasi in speculo videas imaginem hujus operationis), qui colligit & depingit sibi herbas, fructus, animalia, colores, figuræ &c. Observanda sciuntur sunt sequentia: 1:o In initio libri sui simplices colores, figuræ & partes hic ponit, uteo facilius magis compositas res in ordinem postea redigat. — 2:o Unum tantum cuiusque generis depingit, vel potius, ubi res, quamjam habet depictam, ei obvenit, in illa depingenda rursus operam non ponit, sed tantum in illis, quas non antea collectio ejus habet, ut insit in illa exemplar omnium rerum occurrentium. 3:o Quando rem depingere vult, illi necesse non est sciare, an sint in mundo plures res ejusdem generis, quam illa, quam invenit & depingit. 4:o In ordinem res hoc modo collectas sic redigere studet, ut facile unamquamque earum rursus inveni.

investire possit. §:o Sic in illis considerandis versatur, ut illi familiares fiant, utque mox, quando res in mundo occurrat, illam agnoscat & sciat, non solum an sit eadem quam habet depictam, sed etiam qualisque sit quatenus alii sit similis, & quae sibi propria habeat, quoniam jam considerant exemplar suum hæc omnia quodammodo observaverit, & ad rem obvenientem ea applicare possit. §:o Si consilium colligentis est, ut ex collectis, res occurrentes agnoscat & sibi familiares, ut jam, figuris suis considerandis, cognitas, habeat, omnia ea ex collectione sua ejicit, quorum similia non amplius invenit, ut multitudinem supra modum non augeat, sed facilius conservata & sibi cognita habeat cetera, cum inutilia non curet; quamquam a priori quasi non potuit scire, an res quædam esset utilis suæ collectioni nec ne, propterea illam conservare voluit, donec experiendo videt sibi illa opus non esse. &c. porro. Sic omnino in colligendo notiones mens se habet — quod intelligenti est manifestum. — Notandum tamen adhuc est mentem in collectionem quam notionum, non solum rerum, illarumque partium notiones, sed etiam relations, causas & effectus &c. excipere, non solum res exterhas sensibus perceptas, sed etiam internas conscientia immediata animadversas.

Notiones igitur tam simplices quam plures compositas memoria tenemus, quas universales appellamus, & que ab illis, quæ res ut existentes repræsentant, accurate distinguendæ sunt. Seriem sive ordinem proprium efficiunt, diversum omnino ab ordine *idearum realium* (quas ob immediatam objectorum representationem ita nominare liceat), quæ, aut mundum, resque existentes quatenus illas cognoscimus, aut imagines phantasie quæ sunt, quasi res essent, & omnia circa has res aut veras aut imaginarias cogitata, serie sua nobis quasi in speculo repræsentant, cum e contrario illæ, quas nomine notionum universalium adhuc designavi, nullam rem sicuti rem repræsentant, sed ut verba in Lexico, ita illæ in mente sunt ad ultum paratæ, quando illis uti volumus.

Diximus notiones illas simplices & compositas, quæ propriam & ab ideis realibus omnino diverlam seriem constituunt, nomi-